

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), te Odluke Direktora J.U. Zavod za sportsku medicinu Kantona Sarajevo broj: 01-3-730-Odluka/18 od 27.12.2018. godine, kojom je prihvaćena Ponuda/Profaktura ponuđača Vanta d.o.o. Sarajevo broj: 72-18-Pod od 27.12.2018. godine, kao najpovoljnija i kojom se ponuđaču Vanta d.o.o. Sarajevo dodjeljuje ugovor za nabavku 1 (jednog) kompjutera i 1 (jednog) monitora za potrebe J.U. Zavod za sportsku medicinu Kantona Sarajevo

**J.U. ZAVOD ZA SPORTSKU MEDICINU KANTONA SARAJEVO**, ulica Patriotske lige 36, identifikacioni broj: 4200548750001, koga zastupa Doc. dr. sci. med. Adnan Hadžimuratović, specijalista dječije hirurgije, direktor (u daljem tekstu: Kupac)

i  
**VANTA D.O.O. SARAJEVO** ul. Trg međunarodnog prijateljstva 15, Sarajevo, identifikacioni broj 4200374230003, transakcijski račun broj: 1941010845000173 kod Pro Credit Banke Sarajevo, (u daljem tekstu: Prodavac), zaključili su:

## UGOVOR O KUPOPRODAJI

### Član 1.

Ovim Ugovorom utvrđuje se način i uslovi pod kojima Prodavac prodaje, a Kupac kupuje robu iz predmeta poslovanja Prodavca.

### Član 2.

Predmet ovog Ugovora je nabavka 1 (jednog) kompjutera i 1 (jednog) monitora (u daljem tekstu: roba) prema Ponudi/Predračunu Prodavca broj: 72-18-Pod 27.12.2018. godine, koji je sastavni dio ovog Ugovora.

### Član 3.

Prodavac se obavezuje da će najkasnije u roku od 2 dana od dana uplate avansa isporučiti robu iz člana 2. ovog Ugovora, u poslovne prostorije Kupca, u ulici Patriotske lige 36. Sarajevo. Prodavac se obavezuje da izvrši montažu, uvezivanje kompjutera i monitora, instaliranje operativnog sistema, puštanje u rad, te eventualnu edukaciju.

### Član 4.

Ukupna cijena robe iz člana 2. Ugovora iznosi 1.730,00 KM bez PDV-a, odnosno 2.024,10 KM sa uračnatim PDV-om.

U cijenu iz prethodnog stava uključena je nabavka, transport, isporuka, montaža, uvezivanje, instalacija, te sve eventualne druge radnje u cilju nesmetanog korištenja robe.

### Član 5.

Kupac se obavezuje da u što kraćem roku nakon potpisivanja ugovora, a najkasnije u roku od 5 (pet) dana isplati na račun Prodavca avans u iznosu od 2.024,10 KM, a po Ponudi/Predračunu Prodavca broj: 72-18-Pod 27.12.2018. godine.

Prodavac se obavezuje da nakon isporuke robe ispostavi kupcu račun na iznos od 2.024,10 KM. Nepostupanje Kupca u skladu sa stavom 1. ovog člana smatra se otkazom Ugovora.

### Član 6.

Prodavac se obavezuje da nakon uplate avansa, a u slučaju otkaza ugovora ili neizvršenja isporuke robe u utvrđenom roku, izvrši povrat uplaćenih sredstava, sa zakonom utvrđenom kamatom, počev od dana uplate avansa do dana povrata sredstava.

Prodavac se obavezuje da nakon uplate avansa, a u slučaju neispunjenja bilo koje ugovorne odredbe isplati Kupcu i ugovornu kaznu u visini od 5 promila za svaki dan zakašnjenja na vrijednost od 2.024,10KM, a najviše 5% od 2.024,10 KM.

### Član 7.

Prodavac nakon puštanja u rad robe predaje Kupcu garancije na robu, te od tog dana počinju teći garantni rokovi.

Garancija na robu i sve dijelove traje 12 mjeseci od dana puštanja u rad robe, ukoliko prema specifikaciji proizvođača nije propisan duži rok.

U toku trajanja garantnog roka, u slučaju potrebne popravke ili servisiranja, Prodavac će snositi sve troškove po garatnim uslovima.

#### Član 8.

Ugovorne strane mogu otkazati ovaj Ugovor pismenim putem.

Ugovor se smatra otkazanim u roku od 7 dana od dana prijema pismenog Obavještenja o otkazu Ugovora.

Prodavac se obavezuje da izvrši povrat uplaćenog avansa prije dostavljanja pismenog obavještenja o otkazu ugovora.

Povrat uplaćenog avansa ne isključuje plaćanje ugovorne kazne od strane Prodavca.

#### Član 9.

Svaka promjena ugovornih odredbi povlači za sobom sačinjavanje posebnog Aneksa ugovora.

Do potpisivanja Aneksa Ugovora obustavlja se izvršenje ugovornih obaveza.

#### Član 10.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

#### Član 11.

Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

#### Član 12.

Ovaj Ugovor smatra se zaključenim danom potpisivanja Ugovornih strana.

VANTA D.O.O. SARAJEVO

DIREKTOR



Goran Mravljević



Broj: 72-12/18

Sarajevo, 27. 12. 2018.godine

J. U. ZAVOD ZA SPORTSKU MEDICINU

KANTONA SARAJEVO

DIREKTOR



Doc. dr. sci. med. Adnan Hadžimuratović,  
specijalista dječije hirurgije

Broj: 07-1-730-Ugovor/18

Sarajevo, 27. 12. 2018.godine